



22. maj 2013

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara:

**Kalaallit Nunaanni aqqusinermi angallatit motorillit pillugit nalunaarutip allannortinniarnera ingerlasoq sumummita killippa, tassani politimesteri immikkut akuersisinnaatitaalersinniarneqarpoq aqqusinermi angallatit motorillit quaannaveeqqutilinnik assakaasoqartarnissaasa sivisussusissaannik aalajangersaasarnissamut atatillugu?**

(Inatsisartunut ilaasortaq Palle Christiansen, Demokraatit)

**Tunngavilersuut:**

Ulloq 1. maj ukioq qaangiutissaaq! Ullormi taanna aqqusinermi angallatit motorillit quaannaveeqqutitalinnik assakaasoqarunnaartussaapput – Kalaallit Nunaanni aqqusinermi angallatit motorillit ilusaat atortuulu pillugit nalunaarut atuuttoq malinneqassappat. Kisianni soorluuna ukiup ilisimangikkaa, aprilip naalernerani qaangiuttarnissani: Ukiut tullerriaat majip ilarujussua ilanngullugu aputeqartarpoq sikoqartarlunilu – biilertunut inatsisit naapertorlugit aasarsiutinik assakaasoqalersimasunut ulorianartorsiortitsisumik.

Tamanna tunngaviuvoq Demokraatit sinnerlugit ilaasortaq Andreas Uldum 2011-mi aalajangiiffigisassamik siunnersuuteqarmat, Naalakkersuisut pisussaatinneqassasut Naalagaaffimmi oqartussanut saaffigineqqullugu siunertaralugu, nalunaarutip imaata allannortinnissaa, politimesteri immikkut akuersitissinnaalerlugu, quaannaveeqqutillit assakaasut atorneqartarnerisa sivitsornissaanut, nuna tamakkerlugu imaluunniit sumiiffinni aalajangesimasuni.

Aalajangiiffigisassatut siunnersuut (UPA2011/132) akuerineqarpoq – malunnarporli nalunaarut suli allannortinneqarsimangitsoq.

Tamanna tunngavigalugu naatsorsuutigaara killiffimmik ilisimatinneqarnissara: Kalaallit Nunaanni Namminersorlutik Oqartussat immikkut akuersissuteqartoqartalernissaa pillugu kissaataannut qanormita danskit oqartussaaffii isumaqarpat aamma nalunaarutip allannortinnissaa qaqugumita naatsorsuutigisinnaavarput?

Jeg anmoder på denne baggrund om en status i sagen: Hvorledes har de danske myndigheder stillet sig til Grønlands Selvstyres ønske om en dispensationsmulighed, og hvornår kan vi forvente en ændring af bekendtgørelsen?

Apeqquq akeqquneqarpoq tigusinermiik ullut sulliviit naliginnaasut qulit qaangiutsinnagit.